

différente couleurs pour servir de parement au devant dudict grand autel.

Plus a fait fere vne vitre à l'une des grandz fenestres de ladicte esglise près la porte qui sort au sementière, en laquelle est peint l'image de S^t Roch et les armes et dudict sieur et de sadicte femme.

S^r Estienne Duplat, bourgeois dudict Coindrieu, a fait fere la chiere de noier pour prescher, en laquelle sont grauees ses armes, moyennant quoy luy a esté accordé la place d'ung banc et son vaz et sepulture et des siens, joignant le pilier qui soubztient ladicte chiere du costé de l'entrée de ladicte esglise, laquelle chiere fust faite et posée en janvier 1589.

Monsieur de Villars, héritier de la maison paternelle desdicts sieurs, a donné pour aorner ladicte esglise, le grand crucifix quest sur la muraille quy separe le chœur d'auec la nef de ladicte esglise, lequel crucifix et l'image Nostre-Dame et de S^t Jehan quy sont aux deux costés, tout peint et enrichy d'or, fust posée à ladicte place au mois de décembre 1591.

S^r Estienne Baudrand et Louys son filz, ont donné la vitre quy est à la grand fenestre de lad. esglise, sur la chapelle de S^{te} Marguerite, vis-à-vis de leur maison, laquelle est toute peinte, moyennant quoy luy a esté accordé par les conseulz la place d'ung banc et leur sepulture au dessoubz, joignant la troiziesme pille de ladicte esglise du costé du sementière, dont leur a esté passé contract receu par M^e Couste en l'an 1590.

Jehan Gay, marchand bouchier, a fait fere la vitre de la fenestre quy est contre le milieu de ladicte esglise du costé du sementière où il fect peindre l'image de S^t Jehan l'euan-geliste, moyennant quoy luy a esté accordé la place d'ung